



Broj: 06-1-07-1-4793/22  
Sarajevo, 08.12.2022. godine  
(F.S.)

Na osnovu člana 2.9 stav (1) tačka 9, a u vezi sa članom 10.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 52/22 i 67/22), te člana 21. stav (3) tačka i) i člana 35. Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 75/22) Centralna izborna komisija Bosne i Hercegovine je na 93. sjednici, održanoj 08.12.2022. godine, donijela

## **ODLUKU**

### **o utvrđivanju rezultata posrednih izbora i dodjeli mandata delegatima u Domu naroda Parlamenta Federacije Bosne i Hercegovine iz Kantona Sarajevo**

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamenta Federacije Bosne i Hercegovine iz Kantona Sarajevo, kako slijedi:

#### **a) Kandidatske liste iz reda bošnjačkog naroda:**

1. Kandidatska lista PILAV ILIJAZ dobila je 1 glas i nije osvojila mandat,
2. Kandidatska lista ZAHIRAGIĆ HARIS dobila je 6 glasova i osvojila je 1 mandat,
3. Kandidatska lista STRANKA ZA BOSNU I HERCEGOVINU dobila je 5 glasova i osvojila je 1 mandat,
4. Kandidatska lista NAROD I PRAVDA 1 dobila je 5 glasova i osvojila je 1 mandat,
5. Kandidatska lista NAROD I PRAVDA 2 dobila je 4 glasa i osvojila je 1 mandat.

#### **b) Kandidatske liste iz reda hrvatskog naroda:**

1. Kandidatska lista ZA NOVE GENERACIJE dobila je 3 glasa i osvojila je 1 mandat,
2. Kandidatska lista HAŠIMBEGOVIĆ MARIJELA dobila je 1 glas i nije osvojila mandat.

#### **c) Kandidatske liste iz reda srpskog naroda:**

1. Kandidatska lista VITEŠKIĆ SMILJANA dobila je 1 glas i osvojila je 1 mandat,
2. Kandidatska lista VUJOVIĆ VEDRANA dobila je 1 glas i osvojila je 1 mandat,
3. Kandidatska lista NAŠA STRANKA dobila je 1 glas i osvojila je 1 mandat,
4. Kandidatska lista SDP-SOCIJALDEMOKRATSKA PARTIJA BIH 1 dobila je 1 glas i osvojila je 1 mandat,
5. Kandidatska lista SDP-SOCIJALDEMOKRATSKA PARTIJA BIH 2 dobila je 1 glas i osvojila je 1 mandat.

#### **d) Kandidatske liste it reda Ostalih**

1. Kandidatska lista ZUHRIC ALBIN dobila je 1 glas i nije osvojila mandat,
2. Kandidatska lista NAŠA STRANKA 1 dobila je 2 glasa osvojila je 1 mandat,
3. Kandidatska lista NAŠA STRANKA 2 dobila je 1 glas i osvojila je 1 mandat,
4. Kandidatska lista SDP-SOCIJALDEMOKRATSKA PARTIJA BIH dobila je 1 glas i nije osvojila mandat.

(2) Centralna izborna komisija Bosne i Hercegovine dodjeljuje mandate u Domu naroda Parlamenta Federacije Bosne i Hercegovine iz Kantona Sarajevo delegatima:

1. **HARIS ZAHIRAGIĆ** - Bošnjak
2. **FATIMA GAVRANKAPETANOVIĆ-SMAILBEGOVIĆ** - Bošnjakinja
3. **KEMAL ADEMOVIĆ** - Bošnjak
4. **IRFAN ČENGIĆ** - Bošnjak
5. **DAMIR MARJANOVIĆ** – Hrvat
6. **SMILJANA VITEŠKIĆ** - Srпкиnja
7. **VEDRANA VUJOVIĆ**- Srпкиnja
8. **MIOMIRKA MELANK**- Srпкиnja
9. **JELENA PEKIĆ** - Srпкиnja
10. **IGOR STOJANOVIĆ** - Srbin
11. **SANELA KLARIĆ** – Ostali
12. **NIHAD UK** – Ostali

#### **O b r a z l o ž e n j e**

Skupština Kantona Sarajevo dostavila je Centralnoj izbornoj komisiji Bosne i Hercegovine, dana 02.12.2022. godine, akt broj: 01-04-55-41/22 od 02.12.2022. godine, te u prilogu akta cjelokupan izborni materijal u vezi sa provedenim posrednim izborima za Dom naroda Parlamenta Federacije Bosne i Hercegovine iz Kantona Sarajevo, koji čine: Obavijest, Zapisnik Komisije o žrijebanju redosljeda kandidatskih listi, spisak zastupnika koji su pristupili glasanju, Izvještaj i glasački listići.

Članom 10.10. Izbornog zakona BiH propisano je da kantonalna zakonodavna tijela biraju 80 delegata u Dom naroda Parlamenta Federacije BiH, 23 iz reda bošnjačkog, 23 iz reda srpskog, 23 iz reda hrvatskog naroda i 11 iz reda Ostalih.

Za Dom naroda Parlamenta Federacije BiH iz Kantona Sarajevo, u skladu s članom 21. stav (3) tačka i) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine, bira se ukupno dvanaest delegata, uključujući četiri iz reda bošnjačkog, jedan iz reda hrvatskog, pet iz reda srpskog naroda i dva iz reda ostalih.

Odredbama člana 10.14 Izbornog zakona BiH propisano je da svaki zastupnik u kantonalnoj skupštini daje jedan glas za listu na kojoj je njegov odgovarajući klub.

U skladu sa članom 10.15 Izbornog zakona BiH, nakon provedenog tajnog glasanja, izborni materijal i rezultati glasanja dostavljaju se Centralnoj izbornoj komisiji BiH za konačnu raspodjelu mjesta. Mandati se raspodjeljuju jedan po jedan po listama ili kandidatu sa najvišim količnicima koji su rezultirali iz formule za proporcionalnu raspodjelu utvrđenu u članu 9.5 Izbornog zakona BiH. Kada lista dobije mandat, mandat se raspoređuje s vrha liste.

Uvidom u dostavljeni materijal o provedenim posrednim izborima za Dom naroda Parlamenta FBiH, utvrđeni su sljedeći rezultati:

**d) Kandidatske liste iz reda bošnjačkog naroda:**

1. Kandidatska lista PILAV ILIJAZ dobila je 1 glas,
2. Kandidatska lista ZAHIRAGIĆ HARIS dobila je 6 glasova,
3. Kandidatska lista STRANKA ZA BOSNU I HERCEGOVINU dobila je 5 glasova,
4. Kandidatska lista NAROD I PRAVDA 1 dobila je 5 glasova,
5. Kandidatska lista NAROD I PRAVDA 2 dobila je 4 glasa.

**e) Kandidatske liste iz reda hrvatskog naroda:**

1. Kandidatska lista ZA NOVE GENERACIJE dobila je 3 glasa,
2. Kandidatska lista HAŠIMBEGOVIĆ MARIJELA dobila je 1 glas.

**f) Kandidatske liste iz reda srpskog naroda:**

1. Kandidatska lista VITEŠKIĆ SMILJANA dobila je 1 glas,
2. Kandidatska lista VUJOVIĆ VEDRANA dobila je 1 glas,
3. Kandidatska lista NAŠA STRANKA dobila je 1 glas,
4. Kandidatska lista SDP-SOCIJALDEMOKRATSKA PARTIJA BIH 1 dobila je 1 glas,
5. Kandidatska lista SDP-SOCIJALDEMOKRATSKA PARTIJA BIH 2 dobila je 1 glas.

**d) Kandidatske liste iz reda Ostalih**

1. Kandidatska lista ZUHRIĆ ALBIN dobila je 1 glas,
2. Kandidatska lista NAŠA STRANKA 1 dobila je 2 glasa,
3. Kandidatska lista NAŠA STRANKA 2 dobila je 1 glas,
4. Kandidatska lista SDP-SOCIJALDEMOKRATSKA PARTIJA BIH dobila je 1 glas.

Za tri kandidatske liste iz reda Ostalih za dodjelu drugog mandata iz reda Ostalih: kandidatska lista ZUHRIĆ ALBIN, kandidatska lista NAŠA STRANKA 2, kandidatska lista SDP - SOCIJALDEMOKRATSKA PARTIJA BIH, utvrđeno je da imaju identičan količnik (1,00).

U skladu s članom 10.15, a u vezi s članom 9.5 i 9.8 stav (1) Izbornog zakona BiH i poglavljem II. Uputstva o dodjeli i prestanku mandata („Službeni glasnik BiH“ br. 27/22, 77/22 i 78/22), ukoliko kandidatske liste imaju identične količnike mandat se dodjeljuje putem žrijeba.

Centralna izborna komisija Bosne i Hercegovine je dana 08.12.2022. godine provela javno žrijebanje za dodjelu jednog preostalog mandata iz reda Ostalih.

Nakon provedenog javnog žrijebanja, kandidatska lista NAŠA STRANKA 2 dobila je mandat iz reda Ostalih iz Kantona Sarajevo u Dom naroda Parlamenta Federacije BiH.

Imajući u vidu da su ispunjeni svi zakonski uslovi za utvrđivanje rezultata izbora za delegate u Dom naroda Parlamenta FBiH iz Kantona Sarajevo, Centralna izborna komisija Bosne i Hercegovine je, u skladu s članom 2.9 stav (1) tačka 9, a u vezi s članom 10.15 Izbornog zakona Bosne i Hercegovine, odlučila kao u dispozitivu ove odluke.

**Pravna pouka:** Protiv ove odluke, u skladu s članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.



Dostaviti:

1. Skupština Kantona Sarajevo,
2. a/a.